

上闕一紙十九行

二十第卷纂略論地師伽瑜

尸佉絡迦契經中說者此  
髻絡迦名執 即執髻也此  
名也論云菩薩成就如是等  
正所應轉者結上文正所應知  
論第四十五卷 論解四依依  
果推因說次第謂真如是果可依  
義可依此義不可依語即因此智起後得  
依識既聞法已可依了義不可依不了義又  
以法為證真如智即是目義為真如即是果可

因後方觀智不依於識合此五重不レ上レ重解如文可知論依了レ義

卷十二

三勸

法之本體謂識有八種是識本性小乘不了義不言レ其本在智亦不能了也論解依智不依識中聞思是智何故不依義曰レ唯是智散智也未圓滿故不可依若今世間脩應可修義曰レ不可依且以三惠相對今不依者論唯言聞思真實脩惠中亦有依也論云非於聞思但識法義非真證智等者謂非唯聞思為識法義不依真證智又非聞思具足更不依餘以聞思但識法義故而不更依真證智也論搃結中云略顯四量謂所說義正理大師脩所成惠真實證智如前四依次第而配第二大師即上



依法不依人者依法不依人者何名大師此中雖是大師謂佛所說  
亦不可信存於法又若大師說必是正理故以大師之言結依法不  
依人也論解四无寻解中法以能詮之教故論言於一切法一切  
異門即能詮之无別門也如理之智如事之智此聞所緣  
境依緣此政得脩所成之惠此能詮惠是法无寻解其義无寻  
解即前法下所詮之義故能詮法中有異門之言所詮義中有  
異相之談別也即於能詮得智名法无寻於所詮得自在名義  
无寻解如雜集第十四云法无寻於一切名无別謂依无明等  
於无智无見不現觀等无別名中无寻智義无寻智相及意趣  
相謂自共相意趣謂別義等論解釋詞中但有訓釋諸法言詞  
如雜集云云謂於諸方言音謂无量國邑衆生自相言詞釋諸



法言詞謂可破名世間等以一音演說衆生隨類各得解等名  
種種言音也論解辯无尋中此唯言於一切法一切品別如雜  
集一切品別者謂實有假有世俗勝義有等種種差別之詞辯  
也若如盡所有性与前同論類此四辯等云此上无有自能妙  
善現正等覺况善為他无倒開示者此意定唯此四辯能現正  
等覺及為他无倒開示除此四辯已上无有現正等覺等是此中  
意論解大乘聲聞二種菩提分法名二乘理趣菩薩於聲聞理  
解如實了知為欲伏聲聞具一切種智 故而於其中不作證取  
於大乘理趣与聲聞別論云謂諸菩薩能於其身住脩身觀不  
於其身分別有性亦不分別一切種類都无有性又於其身遠  
離言說自性法性如實了知等者不分別有性不為遍計執分



二十第卷纂略論地師伽瑜

別身有不分別无性者不分別依他圓成二性是无又於其身  
遠離言說自性法性等者此重辭圓成不起言說分別真如是  
不可言說自性法性也若准下如是菩薩於身等法不分別苦  
等文即此不分別一切種類都无有性唯觀依他遠離言說自  
性法性者即圓成實令離言說言說不相稱不同依他故下文  
言是四諦之法性法性即真如也即不分別有性是遍計不分  
別一切種類都无所有是依他遠離言說自性法性是圓成實  
也若隨順无量安立理趣妙智是後得智也此乃菩薩与二乘  
菩提分法觀別也此中廣辯菩提分品義如常途唯有佛地智  
義用分一時俱有四智共為四念住觀身一時有詳曰此義



不然皆妙觀察智為即如佛地論論解止觀中此中菩薩略有  
四行當知名止一勝義世俗智前行者即无分別智後得智之  
前方便定即當加行智同時定問曰何以得知此中世俗智是  
後得智義曰前按標門中有二智一如實真觀二安立世俗妙  
智故知此中世俗智是後得智二勝義世俗智果者即与正智  
後得同時定之前加行定之果故二智同時定即是果也又釋  
即二智後所生等流之定故言勝義世俗智果即二智家果也  
問曰何不明二智俱時定義曰下第三第四定即二智同時定  
也三普於一切戲論想中无功用轉者轉即轉滅隨正智普於  
一切戲論想中皆能轉滅若如前解二智果者此即說正智同  
時定之業用若如後解者即正明正智同時定四即於如是離言



唯事由无有相无有所分別其心寂靜趣向一切法平等性一味  
實性者說正智觀依他不分別有性故入一味真如義若依前  
解即說二重說二智之用若依後解即重明二智之用第三正  
明解今此明業用也若得位者第一在地前加行道中第二入  
地已去乃至七地已前第三在八地已上乃至九地第四十地為  
之入於佛地論云觀中有四行當知名觀謂即四行止道前行  
是第一即加行智前四止中之前行起有編間思也且論四止  
前行之智其實与第一止同時觀是加行智亦在此第一攝離  
增益執第二離損減執第三即无分別智離二邊也及与隨順乃

至安立理趣是第四後得智此四智地地皆有別配稍難論解



依內外成熟各有六種中既言為內外二別何得內中有成熟  
衆生之義外中有自成之義義曰於內中雖言外衆生意取菩薩  
心故言內於外義在有情不在於內自熟論言一月不食是計  
投品赴火是尼捷子討論言婆羅門吠陀迦呪者此云明呪也  
究竟淨謂為无漏出世淨也論解隨順會通方便善巧中謂諸  
菩薩下乃至又於趣入遍緣一切三摩地門能為隨順等以來  
明隨順已下明會通隨順順彼會通為釋經說先隨順令生欣  
樂方便通緣故也隨順中先愛語即美語也次布施亦復現行  
近施隨轉等者是如近施隨轉者謂隨起施而攝近之或近施  
即行施攝事而近隨轉即同事攝事由布施財同為伴事除所  
生悲等生愛敬下明利行論云為現神通記心顯說等者即三



輪也論云又於趣入遍緣一切三摩地門能為隨順教授教誡  
等者謂有三摩地能遍緣一切即一切種智定也若有趣入者  
隨順彼故教授教誡是此中意論解會通中云為彼說言此經  
不說一切諸法都无所有但說諸法所言自性都无所有等者  
不說依他等二性都无然說遍計所言自性是无也論雖有一  
切所言說事依止彼故諸言說轉然彼所說可說自性據第一  
義非其自性等者雖有依他等所言說事依此事起遍計言說  
如此言說所說自性如兔角故據第一義非如其遍計所執之  
自性言无事即无遍計事也非无依他論云譬如空中有眾多  
色色業可得容受一切諸色色業等者此喻真如如空遍計如  
色等如下唯遣遍計諸色色業證真如似空之性論云又如幻夢



非如顯現如實是有等者上來明喻真如似空色業似遍計執此已下喻依他如幻等遍計執者非有如計實人等其假相似不无即依他也論云如是諸法非如愚夫言說串習下搥結上來明依他圓成有遍計无也約勝義離言自性此二性非无所存二性也由此方便悟入道理一切諸法非有非无猶如幻夢其性无二者此結上三性謂遍計无非有非无非有同兔角也非无有妄情也依他无非有如遍計也非无有假夢也圓成无非有同遍計非无勝義有也不取少分不捨少分等者不取如遍取也不捨二性不作損減二性不增益遍計有也名无失壞論云陀羅尼有四種一法二義三呪四能得忍者如下



釋中法陀羅尼以法為境即能詮名言以念惠為躰義陀羅尼其躰同法唯境界異其異者何謂所詮意趣等即唯在意地咒陀羅尼以定為躰依定持咒今不忘故以咒為境也能得陀羅尼者以无分別智為忍躰即證真如能得忍者即加行智能有持咒功能得證真如故法師云此以无分別智為躰若尔何故言能得忍此於加行道中持思此咒故速得真智證於真如故下文在勝解行位論解能得忍陀羅尼中云成就自然堅固因行者謂在地前是忍之因不可動故名堅固曰行具足妙惠者即成就趣出世之妙惠也或於堅固因行中具足妙惠獨處空閑者謂住康深也寂无言說謂離誼雜曾无有物者謂其省事无餘資具物見路而行者謂不應行必明相出時方行故言見路

而行又所行之處必見正路不謬非道為靜處正理名路依正  
理行名見路行知量而食等可知論云於佛所說得菩薩忍諸  
咒章句能諦思惟其咒詞曰等者謂此咒无有義但唯有名謂  
地前菩薩誦此无義之咒欲除計執此唯但名何處有義故知  
諸法但有妄計名无如實執義故不可依名生執由此思惟故  
便能入真觀證菩薩忍論云但唯无義如實了知此章句義所  
謂无義者此釋上无義是圓成實義謂此咒下无所詮別故能  
證圓成實但由此咒下无所詮故如實了知此章句下所謂无  
義故而證圓成實論諸類成中而不決定者由有謬錯而不堅  
住者由有退故而不廣大者持有分齊故非如无邊論解五種  
頌等中第二受生頌云隨順鏡益有情諸善趣中者問曰何以



此中不言隨順生惡趣中義曰有多意一謂善趣利多惡趣利  
少略不論也三順益相唯在善趣故又惡趣无自在為王示化  
故又說善趣時意願生惡趣從勝處說唯論善趣論解三三摩  
地中云云何菩薩空三摩地等者此中空意若相見道唯若下  
二行无願文意由有煩惱等言故唯集四行苦二行无相文意

集

十二

七

揚

由有永滅寂靜言唯滅下四若約餘處文有多別一文如前又  
无願并攝道下四行餘如前有文无相攝道下四行无願不尔餘  
如前有文三諦如前初釋道下四行通三解脫門攝如顯揚第二  
卷有義空行若得斷惑通餘諦可知此中若會諸文不同意表  
如對法抄義准可知又此中論文意在真觀中義用分立此三

解脫門若斷惑唯空行者俱時亦有无願无相義看无願中文  
意有煩惱之言似唯集四行苦二行准下增減門中摠於有為  
而立无願无願通三諦又此摠言若此中意如前說論云如是  
菩薩於此三種三摩地中精勤脩學者此勸學也於是建立如  
實了知者結前正明三解脫門又結不增不減義於餘行相三  
三摩地如實悟入者以了知此所明解脫門於餘行相如實悟  
入悉能解之安立理趣如實悟入者即初悟入真三解脫門脩  
習理趣如實了知勸脩習三摩地之法故下重解云謂於其中  
諸聲聞衆精勤脩學即學行及圓滿證即悟入也更列解思之可知  
論第四十六卷

論云復有四種法盟拈南者此云說也

即世尊常誦說此若盟拈南名攝散即以略偈而攝長行全言



說謂常誦說此義似无問自說也若此四種躰性以法出躰諦  
有為无為故可知論以三義解盟施南中云法相應義者謂表  
无常等然与有為相應故又此行迤然能趣大生招有漏勝入天  
果无漏淨土中生故又能生色无色界名大生又能得聖法生  
名大生又若以對出第一有而論此大生即有漏生也論云即  
於此中前刹那行自性滅壞无間非先諸行刹那自性生起正  
觀為生等乃至正觀為滅等者若依小乘生在未來三相在現在  
今像大乘生等三相在現在滅在過去如次前文辯言本无今  
有名生簡无為故謂无為是有而是本有今有今有為本无今  
有而非本有言前刹那滅後无間有非先種類生若一色法前  
念滅後念生此極相似云何言非先之言義曰若不言相似即

是彼法者即一法躰勝行是常住法即无有滅以非即前刹那  
法躰故有相似之言言住者大乘二釋一說現在能有牽後果  
之功名住若尔云何阿羅漢後心名住以不能牽後心故義曰

集卷十二

八 勘

以此妨故故二說今論云諸行生已即時未壞已觀為住不得  
是生已經停名為住若尔即住与生非別時故小乘別此言今  
大乘應言諸行生已即時未壞如五十二亦得生位經停已立  
為住異者若謂此生法變壞名異者此亦不然即与生時別念  
故以生時未變易後變易方名異者即生異別時故今應言此  
已生行望前已滅諸行刹那自性唯起別異名異即異前念皆  
名異也以此義故生異同時滅者若即現在与異同時而名滅



者即滅是無法住異是有法如何有法俱時亦有無法故此論  
云從此諸行生剎那後即此已生諸行剎那自性滅壞正觀為  
滅即由有法無時至過去也方立滅相故生滅明闇而不同時  
問曰若然即一剎那无有四相義曰此法滅即此法生時如秤  
兩頭平等平等故一剎那有生有滅若然何故不完滅後說生  
取義曰從初說故以初要有生故故法滅非先滅後方生起問  
諸經中皆言三有為相何者為三義曰有二義一攝住入異二  
攝異入住言住入異者以住相似无為故之若聞諸法有住即  
歎有為心不猛今言唯異者即有為深可歎以有異故不同无  
為有住故以住相攝入異相若約小乘以異能感後生法故於  
異相功能勝能勝住牽後生法於滅无功故攝住入異二說攝

異入住住於自剎那有功能故生已未壞說名為住故有功能  
異說異前然於自念无功故攝異入住又異順滅相自性不顯  
故攝異入住若余如何不攝異入滅耶義曰異是有法滅是滅  
无一是過去一是現在相良唯有相似不可攝入滅相下決擇  
五十三及本地第三卷抄論云何以故諸行生時唯即如是諸  
行可得无別有餘生住老滅如是諸行住老滅時唯即如是諸  
行可得无別有餘生住老滅者何故如此不同後舉四相者以  
指法遮法故若指法手相故唯說言諸行生乃至諸行住老滅  
若遮法須遮別有四相弊故皆通遮故通舉四相也問曰何故  
遮生中不唯言生乃至住滅亦耶義曰以住中亦有生故以  
生時有住等故故大生生入法等是故遮遍遮論云如是推求



不可得者謂若離彼色等諸行等者以下破生色之生亦應有

其卷十二

九

勘

生即小乘中小生也論云若言一者計生實有即為唐指言別  
有生是實物有不應道理者此破小生若与大生一者計有大  
生是實物有即為唐指所以者何大生生色法離色別有生小  
生生大生應亦別有辨小生生大生二生即言一大生生色法  
与色亦是一故言別有生是實物有即為唐指不應道理論云  
若言異者如是即應非行生生不應道理者非行生生即小生  
也是行生生即大生也故若言大生小生異者即應小生亦似  
大生應能生色法大生生色法亦能生小生小生生大生應亦  
生色法故小生非行生生能生色法應是大生行生生故二生

異不應道理論云謂若滅法別有自性是實成就即應此滅有生有滅者法師云上來一重破訖次下第二別破滅相義曰不然為前辭彼生生例餘相下舉後滅破搃是一翻我宗所言滅是無法无別成就汝若言別有滅相此滅是有為故應別有生有滅若滅為生所生時一切諸法皆應不用功力而自然滅如入滅之滅相既生隨七八識心心所法亦應皆滅以滅生故二既相違故餘須滅餘身不滅明知我所言此法无時名滅非滅別有生生以彼滅相有故為生所生能遮餘生故餘須滅滅有滅唯此例知論辭无我中云於諸法中補特伽羅无我性者謂非即有法是真實有補特伽羅亦非離彼法別有真實補特伽羅者謂破即蔭異蔭計我也論辭涅槃靜中先因永斷後无



餘滅其餘等者即有餘无餘涅槃也又先因永斷在无間道後  
无餘斷在解脫道又先因永斷在加行伏上心後无餘斷斷種  
子其餘畢竟不起生者謂果不生斷曰故論云若上上勝及以  
上挫若深深勝及以深極若劣若勝及以勝極法教正教教授  
教誡等者上極等三句一釋是聞惠深極等三句是思惠勝極  
等三句是脩惠三惠之中各有上中下故又法教正教是上極  
等三品教授是深勝等三句三品教誡是勝極等三句三品  
又前三惠中一一皆有法教正教等三句次第配之功德品功  
謂功德德謂道德用功而得此德名為功德此中廣明名功德  
品問曰何以次下明耶義曰前明菩提宗是因果覺分行此等

以前行時必有所獲故次品後明功德品初頌有七門中第二  
五種不希奇法而名成就甚希奇法者據相而論人皆可得受  
是不希奇若意而論不乖此事名希奇法又自願相望不希奇  
二兼但望甚希奇第三希奇者謂默无言說默者實是樂味但  
為有情而說正法又自入涅槃此默實是樂味為有情故而說  
正法論云由五因緣於諸有情能作不虛加行等者中乃至應  
知其相此唯解二種一於諸有情求作利益安樂二乃至如實  
了知如供養品中善友有五事乃至三隨順說法四不疲厭五  
悲心平等次頌有六初加行中无佛者以佛无加行故次頌有  
五門第五門中云四者愛語攝事此為第一以親疎皆近故能  
引出世入法初門作攝事故餘不令以有二頌攝有九門初一



頌有四門第二頌有五門初頌第一法施設中云次第結集安置制立者結集謂經安置謂摩咀理迦制立謂毗尼又三乘法次第結集其文安置集其義制立諸學處法增三門諦中相諦謂諸法之弊相語諦謂能詮教用諦謂諸法作用增五門中前四諦也後一非安立諦增六門中云一諦諦二妄諦謂真妄事也又善法名諦諦不善等法名妄諦增七門中愛味過患謂集苦二諦出離謂滅諦或通道諦法性謂真如勝解諦即勝解斷在果也增九門中前四是苦下四行次二是常斷二見斷三名為愛即愛此見故即當集諦第七即道諦加行智八九即滅諦論解乘門七行相中二此惠所依法師云此是心王又此是定也其大乘中唯此論解調伏界无量中增七門云一輕毀如

調達可以輕毀今入二中庸如眾集眾語調伏三廣顯智四略開智為鈍利羌別故增九門中遠近調伏者如年月為長時短時為異故論云如是菩薩勤脩學也者即結上菩提分法持初文第三能脩學文此下文云十種菩薩於菩薩學能正脩學此上更无能正脩學即結不能正脩學第三文故知三段文不同如第三子持初斷初二有生起文无結此能正脩學无生起有結故知類顯略而不說今為三段也

論第四十七卷

第二持隨法瑜伽處菩薩相品第一菩薩

集

十二

十一

勸

地四持此為第二初持正明所學之行非无念辯能學之人此持明能學之人學所學已成菩薩相隨所學法之行名隨法瑜



伽慶菩薩地初列十法第一是持有十八品今為三持謂種姓  
發心菩提分法等如前說偏得持名此第二持有其四品即相  
分增上意樂住相者謂成就此法入菩薩之相故名相也分等  
如後品首設此品在第二持先故言相品第一論頌真實諸菩  
薩五種相應知下長行解謂哀愍等五此五解相者如下法攝  
六波羅蜜為之哀愍以空為解此謂大悲依空而發故此解是  
定攝餘慶元真根性不論能發之定二者愛語尸羅般若到彼  
岸攝以般若從律儀而行以般若導生故此二攝若准前施品  
或是攝品四攝事攝度布施唯攝布施餘四度純是同事攝若  
餘布施餘三攝事皆智惠度攝今云愛語是尸羅者此是智依  
戒因而行解依戒不妄語等是彼論不離解以一切行也智發故

三者勇猛精進忍惠三攝據實但是精進以由惠發安受長時  
苦忍故所以兼論四者等手惠施是施度攝五能解甚深義解  
密意是定惠攝若唯尅幹是惠以定發惠勝故并從勝發同時  
而論言定此五種皆由依行六度成就此五種入菩薩相也論  
解勇猛自性云謂諸菩薩剛決堅固无所怯劣有大勢力先法  
師以進忍智三是幹故次第配之今看文意不然但偏明精進  
即被甲精進等三次第配之此中略不明忍智以取正尅自幹  
故論解依處者依謂相依相依之起處名為依處云云因依也  
能解甚深義理密意依處中有五義第一謂隨順甚深甚深顯  
現等者甚深謂真如隨順即緣如之智隨順如故甚深顯即依  
智故真如顯現也第四依處中云法相義者相謂能詮之名義



謂所詮也第五即四无昇解也今品第二先云翼品翼品者謂行四法如鳥之翼故名翼品今即不然謂先雖行行入菩薩相在家出家二今皆猶依二分猶故說名為今故言今品其次何故明今者已入菩薩相在家出家皆得故次後明論云云何菩薩饒益於他謂諸菩薩依四攝事即布施愛語利行同事能與一今有情利益乃至一今安樂一今俱有者即此四攝事一一

纂士

士

勘

皆有利益安樂亦得雖施彼財令發心等言利益既得物用是安樂等如是乃至一一皆俱有准知若不令利行愛語隨增說利益餘布施是安樂同事是通二用為善惡故論解无倒迴向中三門積集者三謂即善脩事業一方便善巧二饒益於他三

為三門也論云出家菩薩一向能行鈎鎖梵行者鈎鎖意取相  
拘早義出家之人有所禁約防惡三業故如鈎鎖在家菩薩曰  
不如是也一向放逸故增上意樂品即第二持中之第三品此中  
通明入發心諸菩薩意樂有十五種等此中廣明名增上意樂  
品意樂者以信欲勝解為幹此意增上故名增上意樂品何以  
今後明者欲行菩薩行依二分脩起脩之法明有意樂意樂即  
希欲相次明之有增上之言似唯在地上依文助義通地前有  
无妨論解七相怵憊第五中結云是名无染点名无緣者不祈  
恩報名无染不祈後果是无緣又二種皆名无染淨通報恩及  
後世間果故緣念通之論云神通威力俱生威力者神通威力  
從定引生俱生威力者生串習故生便即起論云又諸菩薩不



清淨意樂是則名為應調伏意樂由此意樂應思擇故又諸菩薩清淨意樂善清淨意樂是即名為俱生意樂等者地前未證法但現神通等而調伏之入地已去自證真如猶習多劫神通與身俱生故清淨善清淨意樂是俱生意樂以清淨意樂性成善安立故住品住者何義即用十二位能住所住有為无為菩薩住中故名為住此中廣明故名住品又何以後明者增上意樂三劫所希現行行救生自行成滿從初發心終至極果分位差別共有十二菩薩住中故次後明之也第二持之第四品也即持相等十品中之第五品也論云如是始從種姓具足廣說乃至於如所說菩薩所學正勤將學者此明第一持中十八品從初種姓乃至末脩功德品等是於如所說菩薩諸相正義顯

現者是此持中第一相品於諸菩薩今加行中正勤循學者是  
分品於如所說菩薩意樂是增上意樂品也論解增上惠三在  
中云謂諸菩薩如實了知能觀真實者即第四地中觀菩提分  
法是能觀第四地中觀此分法名如實了知能觀真實所觀真

集土 十三

勸

實者謂第五地中觀四諦四諦是所觀也及於真實諸有情類  
由无智故等者解第六地緣起觀也第七地中名有加行有功  
用无間缺道運轉无相住者謂此地非无有漏心隔而以多无  
漏觀相續為論故言无間非實无間也八地不然問曰八地已  
去真實既无間缺云何西方兩釋言八地有漏心時義曰此皆  
據多相續語非无起漏心第九地中得无寻解故論云能於諸



法異門謂法辯義趣義辯釋詞詞辯羌別辯才辯即四辯才也  
第十地相光照世界等廣如華嚴十地經辯論云又諸菩薩勝  
行住於菩薩脩所作狹小所作有缺所作不空所得有退者言  
狹小者所作不廣言有缺者所作不常謂有犯戒惡身語也所  
作不空起行不堅時有退也所得有退者顯前不空也又不空  
者所作不純有退者不能純進是此二別又不空者常懷猶豫  
有退者不能勝進故退也其下言廣大等翻前即是問曰八地  
已去與初地等不退等何異義曰初地等有功用不能剎那進  
即已得者不失名不退八地已去无功用剎那不退故名不退  
是此二別又論云五種怖畏謂不活畏等准下對治五怖等所  
治是此怖躰此以何為不躰不活畏以我見及我愛資生愛為

躰故下言由猶无我智分別我相尚不復轉况當得有分別我  
愛或資生愛故知以我見及愛為躰第二惡名畏以貪欲為躰  
故下文言由於他所无所希望常自發起如是欲樂我當饒益  
一切有情非於有情有所求覓由是因緣无惡名畏故知以貪  
欲為躰第三死畏以我見為躰故下文云由離我見於我无有  
失壞想轉故无死畏明知以我見為躰第四惡趣畏以癡為躰  
故下論云自知死後於當來世決定值遇諸佛菩薩由此決定  
无惡趣畏五處衆怯畏以癡為躰故下論云由意樂見一切世  
間尚无有一与我齊等何况殊勝是故无有衆衆怯畏此所信  
以癡為躰也又如佛地經論說應有別躰勤之論云成就狹小  
聞所成智等者此明惠根又即於此或時忘失等者此明念根



成就菩薩苦違通行者此明定根於大菩提无猛利樂欲者此顯欲无滅熾然精進者此明勤根无有其深牢固清淨者是信

纂 十二古

勸

根論云或於一時具足憶念或於一時成忘念煩者憶得不得故名忘念類非念忘念故言類也論云於如上說一切圓滿菩薩學中未能普學者此謂第一持十八品也於如上說乃至菩薩諸相未皆成就者謂此持中相品於如上說等乃至二分菩薩正加行中未等顯現謂今品於如上說菩薩意樂猶未清淨者謂增上意樂品二分菩薩正加行中未等顯現者謂未能修於二分而補正行也名未等顯現也論云是諸菩薩勝解行住下忍轉時如上所說諸行狀相當知上品乃至无餘永斷者

謂前所說地前過失在十信位名下忍時此過是上品在十住  
十行時名中忍十迴向等名上忍其過即中下品論解入極喜  
住中云除捨彼故發起六相新善決定何等為六論云內證猶  
性菩薩大願超過一切餘白淨願者是第一願舊地持有一二  
等數十地論云初名觀相經言无雜謂願求菩提六數願也即  
以後得智觀為也若約此文言內證猶性菩薩大願法師云此  
是无分別智也无等不共果是世間超過一切世間境界者是  
第二願十地論云第二真實經言不可見謂後得智是无等不  
共二乘之果雖是世間以緣事故超過一切世間境界故經言  
不可見即後得智也隨救一切有情苦故不共一切聲聞獨覺  
是第三願也十地論云第三勝善經言廣大如法界即後得智



起大悲救生普救羣生故言廣大又義別如下第五中釋會雖  
一刹那生起此願法性自尔能得菩薩无量白法可愛之果是  
第四願也十地論云第四因善經云究竟如虛空盡未來際謂  
由此願等因善故能得无量白法之果如虛空也又此大願无  
變无盡自性得已无異因緣今其退轉變異可得是第五願也  
十地論云第五大善經言覆護一切生界看經形勢當此次第  
三隨救一切有情者是彼第三經言廣大如法界是此第五謂  
得无盡之願不可退轉廣大如法界也又是勝分隨後邊際極  
大菩提十地論云第六不怯經言能入三世智地是第六願也  
謂此願是勝分能墮後邊際能窮極大菩提入三世智地三世  
智地即佛果也得大菩提能不怯也不於大菩提而生怯也後

之三願通二智也前三如前論云又即如是菩薩發心略由四相應當了知其初二相論有結文其第三四相无結文者舊論云又諸菩薩无倒速疾發起一切菩提資糧隨順等至廣大願心是第三發心相狀又諸菩薩發是心已超過菩薩凡異生地等下明第四發心勝利如十地論此中別科如彼中有八過役入位過乃至畢定入位過即入地超異生地生如來家過是佛骨子是種姓過從佛口生從法化生等類言也決定趣菩提是畢定過此中有四餘略不論論云十種大願今即於此極歡喜住能具引發等者此皆起十願因緣亦即十願若前方便名因緣若正起名根本願廣如十地經第八願中與諸菩薩常同一



味意樂加行等者如舊論謂与一切菩薩同一方便以大乘化  
名為一味論云作是願言如有情界展轉相續終无斷盡等者  
此意願前十願乃至菩提終无忘失故下文云前就所應願事  
起願謂前十願後即就願以起於願謂如世道等无盡等是即  
器世界无盡也論解十種淨脩住法中八者即於如是正加行  
中依應時分量等正行而脩慙愧等者時謂如五濁劫末時謂隨  
此時行此法分量謂隨若干等法又以上初地有八謂善決定  
故四相發心故等結上文 論第四十八卷  
論解十種意樂清淨中前九是自利後一是利生論云於此住  
中性或具足極少邪惡業道所攝諸惡犯戒尚不現行况中上  
品此明律儀戒成就非但性戒於遮戒中亦能防護此但據性

或為論論云又於十種圓滿業道自性顯現文意謂能知十惡業道故十善業道圓滿自性顯現謂皆現行也如下結文以此文屬下讀論云菩薩如是性戒具足能以妙惠於染不染惡趣善趣及諸乘中諸業現行若因若果將證安立如實了知等者謂若以妙惠於世間染不染惡趣善趣因果及二乘中諸業現行若因若果將證安立如實了知於世間染不染諸業現行異熟等流果及出世諸業等流皆如實了知論云廣見諸佛善根清淨如前應知者謂前初地中云謂於佛法僧供養攝受故以四攝事成熟有情故以一切善根迴向菩提故等准下諸地亦如此通

餘地為三論云以所鍊金置迦肆婆者謂碁石以有微細垢故



置磐石除之此第二地有九段謂意樂淨故性戒具足故等准  
下諸文義結上來配之如第二地下諸地隨結文故字多少即  
判此地若干文段准義應知如前十種意樂淨在初地是下中  
品未圓滿在此地是上品是圓滿下一切地准此意會所以論  
得知者以文有二地成上品極圓滿在初地有此意樂淨言故  
第三地論云菩薩安住增上心住能以種種過患行相破壞一  
切於彼諸行深心厭離等者謂菩薩安住增上心住時謂所有  
種種過患能壞一切諸善行菩薩皆能於彼諸行深心厭離等  
論云於諸有情興悲戀心生依義心者生依義心謂生利樂之  
心義謂利義論云觀諸有情解脫衆苦究竟方便唯是一切煩  
惱諸纏无障身智等乃至觀所引發一切靜慮等持等至皆菩

薩藏聽聞為先皆聞正法以為緣起等者觀諸有情解脫衆苦  
究竟方便者唯是諸經无尋智即无分別智若有煩惱障之智  
不能与有情作究竟解脫苦之所以觀若能圓證此究竟方便  
智者唯於一切諸法无分別之惠以於一切法分別現行雜染生  
起是无分別惠之所對治故能對治能圓證此觀能成辦此正  
智光明皆由俱時勝三摩地觀所引發俱時乃至一切等持等  
至等皆由菩薩藏聽聞為先聞正法為緣起此定等即諸經无  
障導正智以斷惑故无分別惠通後得智圓證解脫故論云若  
聞一四句頌歡喜勇躍等勝得諸珍寶等者何故如此耶義曰  
以受用財有盡受用法无窮故又財獲世間果法獲出世果財  
不免生死法免生死故如是廣如理分別論云垢穢斯盡稱量



等住如是菩薩等者謂前地之金燒煉未精故一時燒稱量一時更燒稱之稍輕重不等今此地中稱金時等已至精也此中有九段文准上配文結釋名中由發聞行正法光明等持光明之所顯示者由發聞行正法光明者謂求法時聞惠照法光明因聞生信故言等持光明等由內心淨者謂此地證內信惠光明故言內心淨无漏名淨意為內心謂即定也第四地論云十法明入者明謂智入謂證證得謂解謂能解得證十法之智也

纂 三十七

勸

論云謂若彼假設若於中假設若由此假設等乃至若由无上清淨所淨者此謂十法明入如十地經此中有七若字初五各自明入後二離為五第六離為三第七離為二若彼假設即有

情緣也謂實无有情但假設名有情故名假設第二若於中假設者即世界緣也謂有情於中住實无世界但以於中住故假設為緣第三若由此假設者謂法緣即十八界善惡法等謂實无如此法由此故觀有情等名由此假設第四若平等勝義者如十地經是空緣法師二說一謂事空二謂理空即真如云空此論言平等勝義故知是真如也第五若染惱故情淨故成染成淨者識緣也以識有染惱清淨故成染成淨第六若由繫縛煩惱所染者謂三界緣即欲色无色界繫縛煩惱所染即為三也第七若由无上清淨所淨者謂善淨大善淨善淨謂二乘淨大善淨謂大乘淨即為二也廣如十地經論云如契經說不壞意樂而為上首所有十種能成熟智智成熟法皆悉成就者謂



十種法能成於智智是所成此十是成熟智之法是此中義意也不壞意樂而為上首者即十法中之第一故言上首舊地持未成熟不壞淨為首十地經當第二同敬三人名不壞淨此中言為首者如舊說頻梵本在第十一故言上首今釋不然義曰論云長如來家得彼般若法者謂初地名如來家既生彼已今第五地等名長如來家得彼般若法者舊地持云得智在經言得長家已得勢力自在又得般若法得如來之般若謂真如是般若故又十自在言般若須勘之論云寧極微細薩迦耶見執著一切蘊等不現行斯者說此地能唯伏第六識中我見其餘貪瞋等尚在其第七識在入八地伏也此中十三段文准結彼此文論云能成正法教惠照明者謂正法教是所照此智能照正法教故名焰

惠地第五地論解十種平等清淨意樂云謂无等覺与諸覺等  
超過所餘諸有情界及以諸法如其平等者法師云此中无等  
覺即如十地經云謂覺三世佛一切功德一切法平等謂佛是  
无等覺此等名无等覺平等以三世佛即為三平等即无等平  
等也此中言与諸覺等者即攝次六種六種非一故言諸覺等

卷五 十六

勸

彼十地論云謂戒定智戒即戒平等定即定平等智即智心清淨  
也度疑及見清淨即七淨中此合度疑見二為一度疑見平等  
道非道清淨即外道戒取即是道非道平等也謂智見清淨即  
行平等行斷智見清淨即行斷智見平等此上諸覺等所攝六  
也如舊地文及疏解有別不可煩引此中所餘諸有情界者即



悲愍有情平等前九自利後一利他此中及以諸法如其平等者當彼經釋平等名謂於前以諸法如其諸法而平等也名為平等如彼經廣論云於四聖諦由十六行如實了知一切文詞如契經說應知其相謂依曉悟他依自內智依俱處所名為此說者謂依曉悟他等初三法師兩釋依曉悟他此一句謂以四聖諦教教二乘二乘非佛乘故說為他依自內智此第二句謂以教教大乘種姓衆生大乘種姓衆生是佛自乘故名依自內智依俱處所此第三句謂前二是別教此一句是攝教大小二乘為此二乘別攝人等說四諦法名為此說又釋此三句即三轉法輪依曉悟他是示相轉謂示諦相於他謂言此是苦乃至此是道依自內智是證相轉謂此苦我已知乃至此道我已脩

依俱處所者謂勸轉謂教言此苦我已知汝應知乃至此道我  
我已猶汝應猶為此三轉故說名為此說即為三行相也依於  
契經調伏本母名由此說者即謂三藏契經是經調伏謂毗奈  
耶是律本母謂摩呬理迦是論由此三藏故我說四諦名由此  
說及前三故合為六種也依於現在衆苦自性是苦諦依於未  
來苦因生性是集諦依於因盡彼盡无生性是滅諦即因盡之  
滅果盡之滅依於將留彼斷方便性是道諦如此說四諦名如  
此說即十行相也論云牟尼婆羅寶者當此六馬璫寶謂前地於  
金上已加末尼寶今此地更加馬璫寶此一地中唯結文有九段  
如上唯知第六地論解十種法平等性云謂於一切法由有勝  
義自性无相平等性故等乃至者有二平等故者如舊地持有



一二等為標名今此中有十一故字不可數之且唯舊論云一者第一義自性平等當此中第一由有勝義自性无相平等性故即當經第一一切法自性无相平等此中意謂由緣勝義理

卷十二 十九

故一切法平等如舊論第二无言說行无相平等當今云言說造作影像无相平等性當經云第二无相平等也此中意謂一切言說造作影像等皆由想今无此相名无相平等也於理本无故有是妄生故如舊云三者无生平等當今云即由此相自然生平等性故當經云无生平等此意謂即由此心想无故自然无苦生又即由此於言說造作依他性平等故執有自然生者此自然不生但是因緣生故言无生平等无自然生也前解為勝

如舊論云四者因緣不起平等當今日点不生平等性故自然  
与因皆不生故當經云无成平等疏云以无生故点无其性成  
起現前法師云因是能成果是所成執有自在天等為因因既  
不能生故言不成平等以從因緣生故自然与因皆不生者謂  
執有自然生及自在天等為因生皆不成也今更解云前不生  
平等謂心想造作等无故若自然不生非但自然不生今因点  
无故名无成平等自然与因皆不生者即雙重解果因俱生義即  
第三不生第四不成平等也如舊云第五畢竟寂滅平等當今  
言畢竟本寂平等性故經云寂靜平等舊解云此第五也以第  
六但有離諸虛偽之言即判為第六本淨平等今者不然以第  
六是能照智故此第五第六皆約真如為論法師故開此畢竟



本寂平等性故一句成第五第六寂靜平等本寂平等次下句  
別是第七中問曰此二何別如舊解第五雜染因以第四三是  
離染果故今第六是明離淨相對治滅今如何別解云畢竟本  
寂之言但是舊經第五寂靜平等一句正是真如下現有躰事  
能取正智離諸戲論平等性故當舊云離諸虛偽平等舊經本  
寂平等即是正智離虛偽戲論也問曰如舊論文可通如經本  
淨即真如云何通此第六是正智故義曰如經云是正智照本  
寂非躰是本寂又解此現有躰事等一句是經第七无戲論平  
等當舊經第八也即是正智其第五第六畢竟本寂開之如前  
遠離一切取捨造作平等性故即此煩惱衆苦雜染離繫解脫  
平等性故者當地持第七无取捨等當經第八无取捨等若准

經以畢竟本寂為二勝若合為一即開此故字為二雖然不依

集三 二十

勸

經文此中意者謂煩惱衆苦得解脫故一切取捨平等也分別  
所執境界自性如幻化等平等性故地持云九者妄想境界如  
幻化平等經云第九如幻平等破法定无明信如幻也即遍計  
所執取所緣之法即依他也此等如幻平等无分別智所行自  
性有无无二平等性故地持云十者妄相境界有无无二平等  
經云有无无二平等即隻破有无也若遍計所執有无此皆非  
有故云无二即真如也是謂十種法平等性論云依緣起智能  
引發空无願无相解脫門者觀緣起生滅故无我故是空行以  
有生滅无常緣轉道理及斷之得无為故名无相行以是有漏



有為深可厭壞不生希願故名為无願是此中意也論云菩薩如是善於勝解願念有情如理通達煩惱繫故等乃至不應永滅一切有為者謂菩薩善達真如故悲愍有情知煩惱繫故眾緣合成離我我所及諸染污不是離煩惱眾緣合外別有繫縛有情如是知故不染生死住在涅槃為愍有情不應永滅一切有為入般涅槃應入生死教化有情是此中意也論云如是菩薩住此住中智悲隨逐名无著智現前般若波羅蜜多現前等者謂无著現前故不染生死般若智現前故不入涅槃前謂正智後謂後得智又俱通二智且約智悲二行別之論云於一切種諸佛聖教一切外道及諸魔軍等不能引棄者何故前初地非他所引今復論云且義曰前初地謂真如教非他引或一切教

非他引即搃相非他引非別相非他引今此於一切種聖教非  
他引別相中非他引也今此地中加溜璃寶珠於嚴具亦廣也  
即一切地准此當知論云四風輪者或四方之風又此地十一  
段准結文判配之第七地論云已得十種妙方便惠所引世間  
不共一切有情而共一切世間進道勝行等者此十種惠能與  
第八地作方便故名方便惠何以得知故論云進道勝行故此  
進道勝行作有相行緣事相有差別故名世間非煩惱業之所  
纏縛故名不共以躰是无漏故以有相故名為共有情所不  
能行无故名不共作緣事相故名共世間作後地前方便脩為  
後地之進道故名進道勝行論解十種妙方便惠中云謂依能



超世間興盛攝受福德依於有情利益安樂增上意樂等乃至  
依諸如來身語心智等者十地經中此十別為四第一名為身  
財因事第二名為護惡因事第三名為護善因事後七名為化  
生因事今論云謂依能超世間興盛攝受福德者是經第一身財  
因事意謂依能超世間興盛因之事菩薩行之攝受福德也論  
云依於有情利益安樂增上意樂者是經第二護惡因事多於  
有情而起於惡故有情是惡目今以利益安樂增上意樂於彼  
有情故名護惡因事而不起惡也論云依為菩提福智資糧菩  
提分法後後勝進者當經第三護善因事无學菩提名為果事  
今為此果福智資糧菩提分法於彼因中後後勝進故名護善  
因事護令增也論云依不共聲聞依不共獨覺者以下七種當

經第四化生日事於經第四中有七種即為七也不共聲聞獨覺者當經七中第一願取世間三有而生故經言畢竟遠離三界而能應化起三界行二乘不然是不共也論云依有情界者當經第二說對治也故經言寂滅諸煩惱便為衆生起滅貪等故知有情界為生染惑是說對治十中第五也論云依諸法界者當經第三滅諸障也故經言知法如幻夢等而起无量化業事也即知一切法界皆如幻故餘遍計執而起无量化業也名滅障也滅所知障當經十中第六也論云依諸世界者當經七中第四大法集也故經云善知國土如空而起莊嚴佛土也知世界空故脩波羅蜜等莊嚴佛土大法集生之處名大法集十中第七論云依諸如來身相者當經第五親近集也故經言知



佛法身无身而起色身莊嚴行也證二空所顯如故起色身行  
親近法身名親近集十中第八也論云依諸如來語起者當經  
第六轉法輪也故彼經言知佛音聲无聲而聲隨生起音聲行  
起此行故究竟能轉法輪也十中第九論云依諸如來心智者  
當經第七所問善釋故經言知佛於一念通三世事而能分別  
劫數脩行隨所問處即能善釋十中第十此皆因行故隨此行  
能感佛果之法論云菩薩与彼共相應故便能通達无量无數  
如來境界及為彼起无功用无相无分別无異分別觀无量佛

境界起无間无缺精勤脩學一切威儀行住作意一切分位不  
遠離道者此意謂与前十種妙方便惠共相應故能遠一切如

來境界以前惠所行處是佛境界故又為佛境界故起无功用  
无相无遍計執分別无異後得智依他分別觀諸佛境界起无  
間缺當精勤學一切威儀行住作意不離心口身而作是行於  
一切分位行是不離之道也无功用无相觀佛境界是道於威  
儀中行住作意一切分位不遠離之故下結文云通達如來佛境  
界起无間无缺勤加行故論云彼第八住一向清淨此第七住  
猶名為雜者第八地无功用故一向清淨七地有功用故名雜  
論云与清淨住為前道故當言此住名不染汚猶未得故當言  
此住墮雜染行者第八地中根本无相此第七地初得无相是  
第八地前導故名不染未得根本无相尚有功用有所希求未  
能任運无相故墮雜染論云今此住中一切貪等上煩惱皆悉



除斷當知此住非有煩惱非離煩惱一切煩惱不現行故希求  
佛智猶未得故者此住一切貪等皆悉除斷據地滿心非入地  
心斷如是惑如佛地論自當分別當知此住非有煩惱下釋云  
一切煩惱不現行故地滿為論如前釋非離煩惱下釋云有佛  
智未得由有相似愛菩提執在故非離煩惱故下結文云有如  
行行圓滿攝故論云於一切靜慮等菩提分法皆能現前由備  
行相現在前故非由安住異熟分位如第八住者此中意第八  
住中諸靜慮等如異熟位不須加行任運現前今此地中未能  
任運如第八住異熟位故有功用故諸靜慮等方能現前由脩  
行相現在前故論云難可了知一切分別現行隨逐身語意業  
皆悉安住而不捨離者由有細分別難可了无麁分別故名為

无相前地等有麤分別名有相此皆隨順菩提之分別故不捨  
離論云又諸菩薩第六住中所入滅定今此住中念念能入者  
此能入者成就云念念能入非實能入以起心化生故若依念  
念入定應不利生故知以成就為論問曰何故唯言第六住不  
言前五住義曰顯前五地說最後時兼括前故此地十二段  
文如結准配知唯有第五有加行行圓滿攝者看上文以与第

四顛倒結第四合第五第五合在第四法師云此第五有加行  
行圓滿者即是今此住中一切貪等皆悉除斷以有加行行圓  
滿故所以斷除諸惑還是依次結非顛倒結第八地論云謂諸  
菩薩於初无相住中已得十種入一切法第一義智者如遠師



釋云一切无法无生有十得解此无生之智名入智也今更言  
一切法第一義謂除二執所顯真如今明除二執及所顯真如名  
入一切法第一義智論云謂依三世如其所應下出十種如地  
持文不足疏家別解之今文具足十法十法謂依三世如其所  
應隨於三世有此計執故隨所應此十皆除遍計所執第一有  
計一切諸法本來是有本來有生今破言本來无生經云无生  
第二云一切諸法現在未來有起今破云无起无起經同第三  
云即前本來法亦有相今云无相經同第四計云有自在天為  
因等故未來有成今云无成經云无出第五有計過去壞劫有  
壞今破云无壞經云无失第六計撥真如非有今破依第一義  
畢竟離言諸自性事是有經云无盡第七計云一切諸法終是

實有今破云言說造作影像自性由躰相故及因性故都无所  
謂但是因果非是實有經云不行第八計云一切緣起雜染在  
因時有染流轉在果時有淨心息今破云即由如是雜染躰性  
无流轉性无止息性以俱是虛幻都无所所有故无流轉无止息  
經云非有有性第九計云一切諸法由无智邪執為因初中後  
時一切時皆是雜染今破云依此无智耶執為因於彼離言諸  
有躰事初中後位一切時分染平等性謂由真如理故其染皆  
平等經云數差別无生第十有計唯无漏智能除諸惑今破云  
依於真如无倒證入无有分別平等性故能除雜染謂依緣真  
如生无漏智无分別故能除諸惑非唯依智也經云作業无生  
此皆法師云遠法師云謂依三世者此第八地已前之地為過



去當地名現在餘後二地名未來此初四當配三世其義云何  
於過去有初二初二謂无生无起現在无相未来无成過去分  
為二初地名生二地至七地名无起言无生謂无初地淨法  
生无起者无二地已去起起即起作此二謂除過去計言无相

生十二

二十四

地

者執當八地有无生法忍相今除此執相言无相也即現在也  
言无成者謂二以九地者乃至成佛菩提有以此成菩提執今併  
除之以舊論但有此四无次三種有後二種按此十中大判相從為  
四初七名事无生次一是自性无生次一是數羌无生後一是作業  
无生此皆如經勘之論云超過第七雜清淨住得入第八純清  
淨住者以有漏心隔名雜純无漏名純淨此八地上相續家釋

七地有功用故名雜八地无故名純言隔不隔此八地去有漏  
心間起家義論云住此住中於无生法證得第一家極清淨忍者  
初地亦得无生忍此二何別義曰如顯揚第六无生忍有三種  
所執性名本來无生忍依他名自然无生忍圓成實名苦垢无  
生忍其初地證斷二分別執故名得本來无生忍八地已去真  
俗雙行得自然苦垢二无生忍又八地已去證一味純觀真如  
故名得苦垢无生已前證得餘无生忍又已前得分段无生忍  
八地已去證變易无生忍又初地等不入惡道无生忍八地去  
非有漏心間生无生忍論云此如實智始從勝解行住乃至加  
行有功用无相住未極清淨今此住中已極清淨者何故不論  
四尋思尋思是因非无生忍以唯是有漏故如實智通无漏是



此八地无生忍躋故前二文重解无生忍智此復云何謂諸菩薩由四尋思於一切法正尋思已若時獲得四如實智故知此智即是忍躋有尋思已之言故知尋思不在八地已去以无有漏心故以前皆有有漏心故其後得智但相似作義无妨其實作尋思唯有漏意欲引生无漏如實智无漏智既攝法即是如實何故更作尋思觀引生如實智假設作時但是相似非真作之論云即於法門流中蒙諸如來覺悟勸導授与无量引法門智神通事業者於此地中十方諸佛行七勸勸是菩薩如經廣說問曰此住菩薩无功用何假須勸義曰已得无相故名爲入无相不樂進脩諸佛七勸令起无相觀起无相觀已自然如異熟任運勝進不待加行論云如是蒙佛覺悟勸導引發无量分

身妙智者即引發令生五分法身也第九地論云謂諸菩薩於甚深住不生喜足復於增上智殊勝性愛樂趣入者前八地除

四災中第二除斷於上清淨住精勤思慕何故此地上有於智殊勝性愛樂趣入義日前有所希求是除法執七地起之八地斷之今此地但无偏觀中愛樂智殊勝而樂无昇解非除執故不同前實也論云是諸菩薩於諸法中起智加行應為他說一切種法者何故入八地已名无加行此地有起加行智之言義曰前七地中於上解脫頃勤加功行方乃趣得名加行於佛地中欲為有情說法任運而說非加行今此住見趣入解脫故无加行智任運如異熟增勝然欲為有情說法時不能如佛任運



說須作意起說即无偏觀中起作說法名起加行智故不同前  
論云當知此中說法所作謂於一切近稠林調伏行如此雜染  
如此清淨由此雜染由此清淨若所雜染若所清淨若非一向  
若是一向若通二種如是一切皆如實知者具如顯揚第八心  
心法等配之以有經文須勘論云如是菩薩於說法中方便善  
巧於說所作方便善巧者說法威儀名於說法中方便善巧稱  
機宜說名於說所作方便善巧又所詮合理名於說法善巧稱  
機益物名於說所作善巧第十地論云得一切佛相稱妙坐身  
諸眷屬等者若身得妙座謂十河沙諸佛世界量諸小菩薩座  
花座四邊圍繞名眷屬論云一切行相一切智智灌灑其頂者  
謂妙法水灌灑其頂名一切行相此乃一切智智之所作也一

一勘經大有配科文論云又此菩薩自如大雲未現菩覺无上  
菩提若現菩覺无上菩提者第十地有三心一入二住三滿此  
滿心中名菩覺菩薩如來名妙覺其入住不名菩覺若在入  
住二心名未現菩覺若在滿心名若現菩覺又菩覺是佛未必  
是菩覺菩薩謂此菩薩在當地未成菩覺不能化生如雲雨說法  
若成菩覺佛已不能化生雲雨說法謂与佛相似如菩覺菩薩  
名菩覺論云復經第三无數大劫乃至證得寂上成滿菩薩住  
者問何故此不言證得如來答今明學地名成滿菩薩住非成  
如來住若成如來住者至下文若就前說至不過此量又前明  
二劫之中皆有次第之言乃至證得極喜住等今此第三无次  
第之言故不言如來地但守自位論云若正修行寂上上品勇



二十第卷纂略論地師伽瑜

猛精進或有能轉衆多中劫或有乃至轉多大劫者此唯論初  
劫菩薩地前有超故何以得知者即次前解三劫中初劫此就  
恒常勇猛精進非不勇猛故知初劫有不勇猛故得說起又前  
解第二劫云此即決定以是菩薩得淨意樂決定勇猛精進故  
故知二劫已去无不勇猛不可說起一切時恒精進也復起煩  
惱但為利生論云又由如是所說十二諸菩薩住經三無數大  
劫時量能斷一切煩惱障品所有麤重及斷一切所知障品所  
有麤重等乃至如其次第精斷資糧者此中煩惱所知二障初  
地斷分別現行種子併斷其補道煩惱以得見道時煩惱之中  
二品伏不行唯有下品在至第八地又伏此下品現行畢竟不

生故論云第八地畢竟斷非是斷種也在金剛心斷彼三品種  
子其所知障第七識十地中八觀出觀或起不起在金剛心方  
并斷種其餘諸地不能伏現行亦不斷種其第六中所知障隨  
地障地並斷種如初地亦起二地障現行至第八地時非但斷  
此地障種子亦伏九地十地現行畢竟不生非斷彼種其八地  
上有編心間者間生有漏善心非起如是障也是此一段文意  
自餘別別釋之論云謂於極喜住一切惡趣諸煩惱品乃至皆  
悉永斷一切上中諸煩惱品皆不現行者法師云但是能感之  
業惑皆見道時斷若亦云何俱生分別二惑別也義曰今言斷  
惡趣煩惱者感惡趣煩惱多是分別今言斷者斷諸分別從多  
為論以不善業招故不同八天非是多分俱生之惑上中下不



行者是循道惑如前說第七中言一切煩惱不現前者此伏下  
品現行惑如前說論云所知障品麤重有三在皮在膏在肉者  
何故煩惱障不言在皮等義曰煩惱有品以三品言之今此障  
不然故以在皮等言也論云所餘諸住至循斯所餘者所知障  
地地斷何故今言資糧耶義曰如前已說雖斷自地由起後地  
諸惑此三處斷之并後地永不行故不同餘地不言資糧也論  
解八法能攝大乘在此十三住攝中云謂於第一第二住中於  
菩薩截生信勝解聽受思惟者此二住中攝初三法於此五中  
於菩薩之一句攝初三法生信勝解聽受第四思惟第五第四  
聞惠第五思惠論實以後諸地非无此五據次上用增時分者

語論云第三住中得勝意樂趣向前行勝脩行相者攝第六法  
一分以初地中得无相趣向无相之前行故得一分論云於餘  
一切乃至有加行有功用无相住中得脩廣大者此攝第六一  
分共初地通攝第六无相脩此皆脩習无相脩此脩廣大非如  
初得名前行脩論云於上三種淨行所攝菩薩住中脩果成滿  
者此攝第七法言脩果成滿者論云如來住中當知獲得究竟  
出離者攝第八法脩成滿也應勘功德品論解以聲聞十二住類  
菩薩住中如諸聲聞已得證淨聖所愛戒為盡諸漏增上戒學  
菩薩第四住亦尔者此中聲聞非得初果位時如菩薩第四住  
菩薩第四住在第二地離初地故今准聲聞在初果進趣心中  
為論故与菩薩相似又住果時亦得類菩薩以戒得初果亦有



故何故要似菩薩屬初地進時名第四住前解為勝共所傳故其下心學惠學唯此在進趣心應知論云如諸聲聞善觀察所知无相三摩地加行住菩薩第九住点者三空无色離心漸細名无相三摩地即第四禪心趣向三空故是三空无相之加行道故似菩薩第九住第十成滿无相住唯在三空如理可解論云如諸聲聞從此出已入解脫處住菩薩第十一住点即住非想八解脫九无間道名解脫處即前三空已入此有頂解脫處住名似菩薩第十一住論云如諸聲聞具一切相似菩薩第十二住者即在第一九解脫道已去是也第三持究竟瑜伽處生品第一者前明二持此為第三第一所學法必起能學行即第二持既學行已便有果利故須辯菩薩受生果是因求所遂

故言究竟瑜伽處此持有五品攝生為初故言第一論解增上  
生中云謂最初住作轉輪等者謂初住作一天王二住四天下  
乃至第八為小千界主第九為二千世界主第十地菩薩生摩  
醯首羅天即淨土其實在下二界間以无漏業生故名色究竟  
上此據未得法界受用身論論解家後生中法師云有經云佛  
告慈氏汝婆羅門家生我刹帝利家生我是右脇而出汝是頂  
上化生我壽八十汝年六万歲等此別有經与弥勒經違勘明

論云唯除凡地菩薩受生此取有智菩薩為五生者二說一此  
取第二住入住以來菩薩未入僧祇不名有智故二說唯取初  
地已去名有智義意初解為勝以十住菩薩八相成道故又增



上生唯言初地故知簡餘生通餘住此有智取前解勝攝受品  
既受勝生自利圓已須有益物故名攝受品論解云菩薩如是  
於諸有情六種攝受无倒轉時當知遭遇略有十二種艱難之  
事中下有能治此十二之善巧方便初之十二句次第各對一  
所治第十一句釋上第十一十二艱難之事論云或於其中應  
觀輕重如其所應而作方便者即前第一可知或於其中應審  
簡擇補特伽羅即第二由審簡於前有情故柔軟美語自不起  
惱或於其中攀緣勇猛攝受因轉者即第三雖物歎少運心攀  
緣溥布令遍起趣攝受目若發正願者即第四雖无力能普為  
營事但發正願後有力時普為勞助或於其中制抑其心不令  
流散即第五諸受樂者多着放逸攝心不散能離流散或於其

中安住其心者即第六无能利生安心希作後當果心猛利思  
擇者即第七起思擇心可攝攝之不可攝者捨之不生厭倦而  
自安忍者即第八可知或於其中而行放捨者釋前第十謂於  
此物捨故不應生取心而取施与之或此釋前第七此生可捨  
前猛利思擇合釋第八或於其中發勤精進熾然无懈者次第  
却釋前第九可知若以次前而行放捨却釋前第七者此即合  
解第九第十或於其中善巧方便釋前第十一對治可知而正  
脩行者釋前第十二可知或有釋前對治如前配或於其中安  
住其心下乃至而自安忍或解前第六對治或於其中而行放  
捨釋第七句對治或於其中發勤精進熾然无懈者釋第八第  
九第十三句此中精進為一熾然為二无懈為三如次為三或於



其中善巧方便而正備行合釋十二如前釋可知若依地持  
此中能治有九句不可依勘

論第四十九卷

地品第

三第三持之第三品也前明利生後得勝位依分是別菩薩位  
階依之如地故言地品又我德成處堪能受生故名為地論解七  
地中云第七如來等雜立為地者前明第七唯在第十地今何

卷十二

廿九

根

以通取者據實通在佛中前唯約因位故略不明佛也今實錄  
故兼取佛論云无加行无功用无相住名決定地此地墮在第三  
三決定中故者如上有處明三種決定一種姓決定二發心決  
定三不虛行墮決定如顯揚第七同此種姓決定即本大乘種  
子發心決定謂入初地十住雖未發心未名決定今第八地名

隨不虛決定以於行中无功用故任運而作此第三次定故名  
墮第三次定也有釋此第三謂在初地今取前解如顯揚文在  
初地謂得自在時又釋以第八地在第三僧祇如異熟住任運  
起行故更无有漏心隔名決定故論解入地離惡趣時中云於  
彼色類諸有情所行慈愍喜樂者此謂慈也下是悲論云一切  
有情諸惡趣業以淨意樂悲願自身代彼領受者淨意樂有二  
種一无漏謂入地上二勝故名淨即此地前者是行品第四上  
明地品學所依位雖有依位行何行法故次辨之此中廣明名  
為行品論云如前所說十二行相方便善巧者謂如前菩提分  
品明也五種大願亦如彼品其實十願據勝者論故云前五十  
力方便如力種性品也論云如前所說二種无量一所調伏等



者問曰何故取此名成熟有情行義曰此所成熟也由有此故  
菩薩起行而成熟之故兼取也論應知此中施等十法經三大  
劫阿僧企耶長時衛習乃圓證故等者此中有三到彼岸一時  
到彼岸明三大劫二弊到彼岸謂如如在因染故未顯在果明  
顯故名到彼岸三果二乘名因不名果大菩提名果到彼岸法  
師云又此有四加善根到彼大乘善根到彼大乘善根而勝二  
乘也故此中論云過餘一切聲聞獨覺善根者是若為即准此  
下論文唯有前三者以善根能得妙果不取善根為也論云當  
知所餘波羅蜜多即此所攝者如相續解脫經中行別相攝方  
便度是前三伴願度是精進伴力度是定伴智度是惠伴若依  
十地經後之四種度通伴前六即前六中善巧攝生名方便度

能上增進名之願度魔法不動名為力度羌別與知說名智度  
即前六攝不分別論據實如十地經相續解脫經據義增勝為  
論也論云由前四度資糧自性眷屬守護當知圓滿或學者知

集土

三十

勸

次配前四度應知建立三品依地行因行因既圓大劫勤功須有  
果遂得果成滿求遂本心建立所成名建立品此乃第三持之  
第五品也論云依如來住依如來地此雙舉者舉十三住舉前  
明七地住地雙舉攝義圓也論云又此一切菩提資糧略有二  
種謂去菩提若遠若近者謂未得相好名遠即在地前若得相  
好名近謂得入地已上所以得知者即次前辯入淨勝意樂地  
諸相隨好已得異熟故知地前不得實報相好又此卷半中文



云相好若對種性地唯有種子依身在解行地猶彼方便若在勝  
意樂地乃名為得諸上地名清淨在佛地得勝上論解四清淨  
中第一所依淨者此中兼取諸煩惱品習氣於自所依无餘永  
滅以對法十四唯有取住捨无前永成習氣等即此菩薩地解  
功德品中亦同對法此有何意此中據攝法周彼中據有為淨  
不取无為淨據實通有无為論解靜慮解脫雜染有二種清淨  
有四種以上相連應知其相者与雜染二種相連也雜染二種  
中各有二故初染二者一无功巧加行二諸蓋現行第二染二者  
一自地煩惱纏二自地隨眠此謂在因有此二染障如來得清  
淨時有四種清淨翻前應知

論第五十卷

論解十力有美别无美別中有美别无美別者謂如處非處与



自業觀善不善因故名无差別若觀善不善業能感受不愛果是處非處觀自作善業自受善報各自業力故有差別餘下准此應知論解无妄失法中云若知者如下文云普於一切所作方便即教化生之時隨所宜方便也順理故名如又即如是方便故名如論解一切種妙智中若於不善无記法中无顛倒知知而不作是一切種智若知善而作名妙智前後所得智後守正智其實无分別智不觀不善等法但作善觀故唯是妙智其後得智是一切種妙智又後得智二種皆有正智不然論云思惟圓滿意車圓滿者以意樂能有運載含靈義故辟於車論云如是圓滿顯示一切菩薩學道及學道果者學道謂智果謂如境又前地有為名學道後地有无為名學道果第四持次第瑜



伽即編簡如上諸品或是品諸義吹第即自勘之有餘依地諸

三

對

煩惱集因已盡唯餘身智及无為在名有餘依或五蘊根身名  
依有此身在名有餘依論云何地施設安立謂有餘依地除五  
地一分謂无心地脩所成地聲聞地獨覺地菩薩地除一地全  
謂无餘依地所餘諸地名有餘依地者十七地中如此文以十  
一地全五地少分為此地弊所以者何五地之山且如无心地  
中有五位无心謂无睡眠无想定及擇滅滅盡定入无餘依涅  
槃界等今唯取前四位除无餘依涅槃故言一分是此地弊脩  
所成地中脩成月无為二其无為是无餘依弊今除之取脩成  
有為問曰言脩所成但是脩何故有无為之言義曰直言脩惠

者即不取无為今言脩所成既有所成之言故貫通无為也其  
聲聞等地通明四諦其滅諦中有因盡果盡无為今簡去果盡  
无為故言除一今无餘依地即所除全也問曰餘地亦有非此  
地弊者何故唯除此五地一分也義曰從多相從論又隨顯相  
者除其隱相非此地弊者略而不論論答羅漢与此八依或相  
依不相依中云与六攝受事不共相應者謂与父母攝受事相  
應以无學人不捨供養父母也无餘依地此地弊即前地所餘  
者是義准前知

喻伽論略纂卷第十二